

25

19. gr.

25. jan.

Skyldi svo atvikast, að markmið sjóðsins þyki óþarft, annaðhvört vegna þess, að Íslendingum í Danmörku fækki stórum eða vegna þess, að aðrir reisi Íslendingahús í Kaupmannahöfn, getur sjóðstjórnin með 5 samhljóða atkvæðum samþykkt, að sjóðurinn skuli hætta störfum, og skal þá verja honum til styrktar Íslendingum í Danmörku í samráði við ríkisstjórnina eða fulltrúa hennar í Danmörku.

20. gr.

Leita skal staðfestingar ríkisstjórnar Íslands á stofnskrá þessari.

Samþykkt á stofnfundi 14. febrúar 1945.

Óskar Magnússon,
fundarritari.

Guðmundur Arnlaugsson,
fundarstjóri.

Tryggvi Briem.

Martin Bartels.

Gísli Kristjánsson.

Þorfinnur Kristjánsson.

Pétur M. Jónasson.

26

31. jan.

GJALDSKRÁ OG REGLUR

um leigukjör á loftskeytastöðvum og firðtalstöðvum, sem Landssíminn lætur á leigu í íslensk skip.

1. gr.

Skipseigandi eða útgerðarfélag, sem óskar að taka á leigu loftskeytastöð eða talstöð í íslenskt skip, sendi skriflega umsókn um það til póst- og símamálastjórnarinnar, sem gefur út leyfisbréf fyrir stöðina og önnur skirteini.

2. gr.

Landssíminn leggur til senditæki og viðtæki með lömpum af þeirri gerð tækja, sem eru til leigu á hverjum tíma og umsækjandi óskar eftir. Tækin eru eign Landsímans, og leigir hann skipseiganda þau til afnota í skipinu. Landssíminn annast uppsetningu tækjanna, sem skipseigandi greiðir eftir reikningi. Leigutaki skal sjá um, að rafmagn með hæfilegri orku og spennu sé fyrir hendi og leitt að tækjunum, svo og um alla trésmiðavinnu og aðra vinnu en rafmagnsuppsetningu tækjanna. Einnig skal leigutaki kaupa rafgeyma, rafhlöður og hleðsluspjöld fyrir stöðina og kosta lögn frá rafgeymum til hleðsluspjalda.

3. gr.

Leigutaka ber að sjá um, að enginn starfræki stöðina nema sá, sem hefur fengið skirteini frá póst- og símamálastjórninni, er heimili honum að gæta slíkrar stöðvar (skirteini loftskeytamanns eða talstöðvarvarðar). Stöðin er þó ávallt undir yfirmsjón skipstjóra, sem líti eftir, að stöðin sé vel með farin og geymd.

4. gr.

Bæði stöðvarverði og skipstjóra er skylt að undirrita þagnarheit og haga starfrækslunni í einu og öllu samkvæmt fyrirmælum Landssímans og hlíta þeim ákvæðum og reglum, sem settar eru og settar kunna að verða um starfrækslu slíkra stöðva. Verði misbrestur á þessu, getur póst- og símamálastjórnin afturkallað leyfisbréf stöðvarinnar, lokað henni eða tekið hana úr skipinu.

5. gr.

Landssíminn annast viðhald vegna eðlilegs slits sendi- og viðtækja, að undanskildu viðhaldi loftneta, rafgeyma, rafhlaðna, hleðslubúnaðar og lampa, en kostnað af því ber leigutaki. Leigutaki ber og kostnað af viðgerðum og hreinsun tækjanna, er stafar af slæmri meðferð eða vanhirðu þeirra meðan þau eru í vörzlu hans.

6. gr.

Leigutaki er skyldur að hafa tækin að fullu vátryggð á sinn kostnað gegn hvers konar tjóni, og ber honum að greiða Landssímanum tryggingarupphæðina, ef tækin eyðileggjast, og hlutfallslega fyrir skemmdir, enda á Landssíminn beinan rétt til vátryggingarfjárins.

7. gr.

Leigutaki er skyldur að koma tækjunum til skoðunar til eftirlitsmanna Landsímans í Reykjavík að minnsta kosti einu sinni á ári, eða annars staðar, ef það verður að samkomulagi. Gjaldið fyrir hina árlegu stöðvarskoðun er innifalið í leiguupphæðinni.

8. gr.

Leigutaki skal greiða stofngjald fyrir stöðina áður en uppsetningu er lokið svo og leigu til næsta gjalddaga. Leiga fyrir talstöðvar greiðist í einu lagi fyrir fram fyrir hvert almanaksár, og reiknast brot úr ári sem heilt ár. Leiga fyrir loftskeytatalstöðvar greiðist ársfjórðungslega fyrir fram, og reiknast brot úr ársfjórðungi sem heill ársfjórðungur. Minnsti leigutími er 2 ár samfleytt fyrir stöðvar 20 watta eða minni, en 3 ár fyrir stærri stöðvar.

9. gr.

Stofngjöld, leigur og vátryggingarupphæðir fyrir helztu gerðir rodíotækja eru sem hér segir:

Gerð B. Loftskeytasendir (250 watt, 600 m svið og stuttbylgjusvið), ásamt viðtæki 4 lampa (15—20000 m).

Stofngjald	kr.	1000.00
Ársfjórðungsgjald	—	350.00
Vátryggingarupphæð	—	12000.00

Gerð C. Loftskeytasendir (150 watt, 600 m svið).

Stofngjald	kr.	600.00
Ársfjórðungsgjald	—	250.00
Vátryggingarupphæð	—	8000.00

Gerð D. Loftskeytasendir (150 watt, 600 m svið).

Stofngjald	kr.	1000.00
Ársfjórðungsgjald	—	350.00
Vátryggingarupphæð	—	12000.00

Gerð E. Talsendir (15 watt, 182 m sviðið).

Stofngjald	kr.	400.00
Ársleiga	—	480.00
Vátryggingarupphæð	—	3600.00

Gerð F. Talsendir (10 watt, 6 fastar bylgjur á 182 m sviðinu).

Stofngjald	kr.	240.00
Ársleiga	—	480.00
Vátryggingarupphæð	—	3600.00

Gerð G-12. Talsendir (4 watt, 2 fastar bylgjur á 182 m sviðinu).

Stofngjald	kr.	100.00
Ársleiga	—	340.00
Vátryggingarupphæð	—	2500.00

26
31. jan.

Gerð GV. Talsendir (10 watt, 3 fastar bylgjur á 182 m sviðinu).

Stofngjald	kr.	200.00
Ársleiga	—	360.00
Vátryggingarupphæð	—	3000.00

Gerð M. Loftskýta- og talsendir (60/25 watt, 600 m og 182 m sviðið).

Stofngjald	kr.	600.00
Ársleiga	—	720.00
Vátryggingarupphæð	—	6000.00

Gerð VE. Viðtæki fyrir tal og loftskýti.

Stofngjald	kr.	200.00
Ársleiga	—	200.00
Vátryggingarupphæð	—	2000.00

Gerð VF. Viðtæki til að tengja við talsendi gerð F eða GV.

Stofngjald	kr.	160.00
Ársleiga	—	160.00
Vátryggingarupphæð	—	1400.00

Stofngjöld, leigur vátryggingargjöld o. þvl. fyrir aðrar gerðir radiotækja ákveður póst- og símamálastjórnin í hvert skipti.

10. gr.

Lögtaksréttur er á gjöldum samkvæmt gjaldskrá þessari.

11. gr.

Stöðvar þær og tæki, er Landssíminn lætur á leigu, eru að sjálfsgöðu háðar hinum almennu reglum, innlendum og alþjóðlegum, er gilda um slíkar stöðvar og rekstur þeirra á hverjum tíma, og getur Landssíminn afturkallað leyfisbréf stöðvar, lokað henni eða tekið hana úr skipinu, ef settar reglur eru ekki haldnar.

12. gr.

Gjaldskrá þessi og reglur eru settar samkvæmt 12. gr. laga nr. 30 27. júní 1941, um fjarskipti. Jafnframt fellur úr gildi gjaldskrá og reglur um leigukjör á loftskýta-stöðvum og firðtalstöðvum, sem Landssíminn lætur á leigu í íslensk skip, dagsett 15. marz 1945.

Samgöngumálaráðherrann, 31. janúar 1946.

Emil Jónsson.

Guðmundur Hliðdal.

27
31. jan.

AUGLÝSING

um breytingu á gjaldskrá Landssímans.

1. gr.

Frá og með 1. apríl 1946 hækkar gjald fyrir skrásetningu símnefna frá því sem ákveðið er í 1. gr. bráðabirgðagjaldskrár, dags. 12. sept. 1942, upp í kr. 100 á ári. Gjald þetta innheimtist fyrir eitt ár í senn, og er gjalddagi 1. janúar ár hvert.

2. gr.

Gjaldskrá þessi er sett samkvæmt 12. gr. laga nr. 30 27. júní 1941, um fjarskipti.

Samgöngumálaráðherrann, 31. janúar 1946.

Emil Jónsson.

Guðmundur Hliðdal.